

QVAESTIO MEDICA: CARDINALITIIS DISPUTATIONIBVS MANE

AGITANDA IN SCHOLIS MEDICORVM DIE IOVIS XXI. FEBRVARII

M. IOANNE MANDAT DOCTORE MEDICO, MODERATORE.

An mel senibus?

752

QUAEVMOVE naturæ lege imperioque continentur illa homini nata sunt. Cum in eo, vt in cæteris animalibus continua fiat dissipatio, Aerem spirituosarum partium corporis humani pabulum, Aquam & Terram nutriendi facultate non destitutas, plantas occultâ & manifestâ proprietate morbos depellentes in communem animalium vsum natura instituit, vt deinde eadem animalia in solidâ hominis substantiæ reparationem succederent. Hinc tot volatiliū genera è quibus potiora alimenta petuntur, tot terrestrium species, tantam aquatiliū varietatem procreauit, tum vt eduliorum diuersitate natium robur recrearet, tum vt pro multiplici temperamento, quo differunt, in hominum multiformam temperatorum vtilitatem venire possent, non omnia omnibus conueniunt, sed pro ratione ætatis, sexus, temperamenti, regionis, temporis alia atque alia instituenda victus ratio.

SI quibus diætæ necessitas sit, maximè senibus propter eum, quem naturaliter sortiuntur recessum ab innatâ temperie (& quamuis senectus ipsa morbus sit, non solum intemperie sicca & frigida, sed annorum etiam numero æstimandus) senes tamen intra veræ sanitatis limites collocare audemus, eam diætæ rationem, quæ maximè circa victum versatur calidam humidamque eis esse decet, vt quantum fieri possit, naturalis ille marcor emendetur. Non errauit, qui vinum lac fenum dixit, à cuius haultu omnes coctiones iuuantur, sensus vigent, & exacuiur ingenium. Balneum aquæ tepentis ante prandium prodest, in quo præmirti semper debent tenuia. Ex animalibus vsurpari possunt, quæ sunt boni succi, concoctus facilia, calida substantifico humore referta, qualia nulla reperies in aquatiliū generibus: Nulla certa ciborum quantitas senibus præscribi potest, cum inædiam facillime ferant, ac illorum vita, vt & aliorum vltra septimum diem sine potu & cibo prorogetur.

AT non modo proficua sunt senescentibus plantæ & animalia, sed etiam horum excrementa vtilia, vt oua sorbilia, quæ singulis diebus manū non tremula hauriri debent: Apage, qui hominis aliorumque animalium vrinam & sterqus deuorare suadent, quod faciunt, qui gemmas in sterquiliniis spagyricè quærunt: neque hoc solum, sed quod partim à plantis, & animalibus partim secernuntur, pinguiorem illum rorem intelligo, qui de cælo cadens certo tempore horis matutinis non conficitur ab apibus, sed excipitur, recoquitur denuo, & in fauos refusus mel nominatur, quod purum nectar est naturæ, & palati nostri delitiæ, vaporibus terræ contaminatum lædit, herbarum prauâ qualitate inquinatum necat, caue à pontico; quod è floribus optimis legitur salubre, quod dulcissimum & acerrimum, colore luteum, compage neque crassum neque concretum valde dilutum, sed vniiforme atque ita tenax vt non sit distractum, aut abruptum, ceræ aut extraneum odorem non referens, gustui gratum, coctū facile, quod à debili calore non deuincatur, & in corporis substantiam ob paucitatem excrementi faciesat laudabilius, tale calorem adauget, deducendo humores aperit, fastidium tollit, orexim facit, nauseam prohibet, pulmōni & interioribus omnibus leniendo medetur.

NON est quod mirentur cur omnium dulcissimum mel succum generet amarissimum, & cur id maxime ætate florentibus & calidis naturâ, & febricitantibus accidat: at in temperaturis frigidioribus siue propter ætatem, siue propter naturam corporis, siue ob morbum facile in bonum & moderatum sanguinem conuertatur; cur aluum moueat picrocolis? pituitosis verò sistat? cur incoctum flatus procreat, coctum discutiat, vrinam promoueat, minus acré & deterforium sit: cur, qui melle vescuntur *μελιεσθαι* & *μελιεσθαι* sint, norunt periti: Ignorant qui viuidos latices, calidum humidum fixum potabile aurum, quibus retardetur senectus, adolescentia conferuetur frustra iactitant: Vno verbo mel iis non conuenit, qui curis grauioribus, mœrore, vomitu frequentiore, largiore vini potu senescunt, sed iis maxime, quibus calor naturalis ab habitu pituitoso languet, & ab ætate effectæ sunt in corpore vires.

PESSIMA res est quando malorum inueteratio crebræque symptomatum repetitio incidit in vetustatem ætatis, vt in iuuentute excretio sperabilis, sic in ætate constanti abfessus, & supra illam ætatem neutrum sperabile, quoniam in senectute corpora non solum ad motiones tarda, sed animus quoque hebes & mens plurimum delira, hinc efficitur in oppositione triplici *τὴν διέγλις*, nihil à natura suscipi nedum perfici videtur, & sane irreparabilis esset temperamenti & complexionis mutatio, quam senectus inuexit, esset & desperata exhausta viuacitatis, nectarisque viuifici reparatio, nisi conseruaretur non similibus, sed contrariis: propterea pituitosis naturis ætateque & senio confectis frigidisque morbis accommodatum est mel, quod non solum substantia, sed etiam odore vitam facit longiorem, ventrem mollit, corporis habitum calefacit, rauedines & grauedines in valdè senibus coctionem non admittentes mitigat, in aliis sanat. Liquoribus mixtum vires naturales in morbis sopitas & languentes exfusciat, natium calorem recreat, proinde inutis nullo, foris oleo senectutem reficere oportet.

Ergo mel senibus. 198.



Proponebat Lutetiæ LANCELOTVS DE FRADE Molinensis A. R. S. H. M. DC. XXX.